

Parlamento ta satisfecho cu proyecto di ampliacion di Hospital

ORANJESTAD.- “Como miembronan di nos Parlamento naturalmente ta importante pa ta correctamente informa di e situacion actual pa loke ta renobacion di hospital”, asina Presidente di Parlamento, drs. Marisol Lopez-Tromp a enfatisa despues di atende na e presentacion di Stichting Onroerend Goed Aruba (SOGA) relaciona cu e proyecto di renobacion y construccion na Dr. Horacio E. Oduber Hospitaal. “Naturalmente cada actor tin su rol den esaki y e rol di Parlamento ta pa controla Gobierno, den e caso aki Minister y naturalmente mira si tur cos ta cana segun planifica”.

Recientemente Parlamento tabatin un reunion cu Minister di Salud Publico y Deporte, unda cu a suministra hopi informacion, a haci pregunta tocante sala di operacion y cuanto ta bay costa extra. Parlamento a manda un carta riba e tema aki pa Gobierno pa haya un bista riba esaki.

Presidente di Comision fiho di Salud, durante di e bishita di trabou na Hospital a haci



pregunta riba e tema tambe. E bishita sin duda a sirbi pa haya miho informacion, pa asina Parlamento por haci nan trabao miho.

Despues di precisamente un aña cu a firma e contracto y 9 luna cu cuminsa cu trabaonan na e proyecto di construccion y di edificionan nobo y renobacion di e edificio actual di Dr. Horacio E. Oduber Hospitaal, a opta pa haci un presentacion di con leu trabounan ta andando. E reunion tabata parti entre splicacion, entrega di documentonan y un tour na e facilidad, pa por a mira progreso den e trabounan andando.



Pa loke ta construccion di e prome fase, e toren nobo pa pashent mester ta cla pa habri na october 2016, e Oficina medico mester ta cla pa feb-

ruari 2016 y e Planta central di energia mester ta cla pa juli 2016. E ora e trabounan di renobacion di e edificio existente ta cuminsa, cu lo dura dos aña y mester ta cla pa juli 2018.

Entretanto e parkeerplaats pa empleadonan, situa na e parti west di edificio ta cla, tambe a caba cu e entrada special pa Ambulance. Ta construyendo avor e edificio nobo di 6

di ginecologia y un centro di parto.

SOGA maneha pa AIB-Bank ta e fundacion cu ta doño di e edificio. Meta di SOGA ta pa construi y mantene edificionan pa Gobierno. SOGA no ta solamente construi, sino tambe mantene e edificionan. Den pasado esey tabata un di e retonan mas grandi di Gobierno, pa por a mantene su edificionan.

Den caso di e proyecto di construccion y renobacion di e edificio di Hospital, SOGA a percursa pa financiamiento y pa maneha y mantene e edificio nobo pa 25 aña largo. SOGA ta partner cu AIB-Bank, cu ta conta cu sosten di 18 instituto financiero local y internacional pa cera e suma total di 252.7 miyon florin, cu ta inclui gastonan di construccion, 4 aña di supervision, compra di e edificio actual, pago na arkitecto, preparacion y hopi mas.

E construccion lo ta den man di OHL Arellano Construction Company di Miami cu tin como partner local ALBO Aruba, Bohama, AWM Caribe, Croon y C.H.S. E proyecto ta percurando pa bastante cupo di trabou pa e companianan local mes y otro actividadnan economico.

piso pa brinda cuido na pashentnan, den cual lo inclui un departamento pa mucha, un ayudo di urgencia, un centro